

Ngā ture huarahi hōu mai i te 27 o Huitanguru

Nō te 27 o Huitanguru 2005, i whakamanahia he ture hōu kia mārama ake tāu e aha ai i ngā ara kaiwae, i ngā ara waka motuhake (pērā i te ara pahikara me te ara pahi), i ngā takaāwhio hoki (motuhake i ngā takaāwhio ara maha).

Āta tirohia ngā pānui e whai ake nei – otirā, āta tiakina kei te tino mārama koe ki tāu e aha ai.

Ngā ara kaiwae

Me tukuna e ngā kaitaraiwa waka, kia whakawhiti ngā kaiwaewae kei ngā taha **e rua** o te ara kaiwae, hāunga taua ara kaiwae kua whakatūria he motu ara ki waenganui.



Ngā ara waka motuhake (ara pahikara, ara pahi)

Ko ngā kaieke pahikara anake te tukuna ana mā ngā ara pahikara.

Ko ngā kaieke pahikara, kaieke motopaika, me ngā pahi anake te tukuna ana mā ngā ara pahi.

Ka āhei koe ki te whakawhiti i ngā ara waka motuhake ki te huri, ki te whakatau rānei i tō waka ki tua o taua ara, ēngari me tuku kia haere ngā waka e tika ana kia haere mā taua ara.

Me kua tētahi waka e tū, e noho rānei i runga i ngā ara waka motuhake, (ēngari ia mā te tohu whakaae)



Ngā Takaāwhio

I mua i tō urunga ki tētahi takaāwhio me tohu koe mēnā kei te ahu koe ki maui, ki matau rānei – mēnā koe e haere hāngai ana whakamua, kua e tohu.

Me tukuna kia haere ngā waka katoa ka whakawhiti i tōu ara mai i tō taha matau i a koe ka uru atu ki te takaāwhio

Nā wai me tohu koe ki maui ina taha atu koe i te putanga i mua i tērā e mea ana koe hei putanga mōu.

I ngā takaāwhio ara maha, me whakatata, me uru hoki koe mā te ara e hāngai ana ki tāu e mea ai kia puta.

Ko te tikanga tēnei hei whāinga:



Mehemea kei raro i te hāwhe takaāwhio to haere, me uru atu koe mā te ara maui (mā tētahi atu ara rānei kua oti te whakarite mō taua tikanga) ā, me tohu koe ki maui i mua i to urunga atu. Me tohu ki maui tonu puta noa koe i te takaāwhio.



Mēnā koe e haere hāngai ana i te takaāwhio (arā, hāwhe noa), me haere atu koe mā aua ara kua oti te whakarite mō taua tikanga. Me tohu koe ki maui ina taha koe i te putanga i mua i tērā e mea ana koe hei putanga mōu.



Ki te nui ake tō haere i te hāwhe o te takaāwhio ara maha, me uru atu koe mā te ara matau, (mā tētahi atu ara rānei kua oti te whakarite mō taua tikanga). Me tohu rawa koe kei te huri matau koe ina uru atu koe ki te takaāwhio, kātahi ka tohu ki maui ina taha koe i te putanga i mua i tērā e mea ana koe hei putanga mōu.

Mā tō whai i ēnei ture ngāwari i ngā ara kaiwae, ara waka motuhake me ngā takaāwhio, ka āwhina ai koe kia kaha haumaruru ō tātou huarahi mō te katoa.

Mō ētahi atu kōrero mō ēnei me ētahi atu whakarerekētanga, waea koa mai ki: 0800 822 422 whakapā atu rānei ki www.landtransport.govt.nz.